



Minggu, 14 November 2021

Ogen: 1 Johanes 1:9



Bersih I Bas Si La Payo



Pernah silakoken si la payo? Kune la lit kalak si ngidah dengen si metehsa perbahanenta si la payo e, uga nge perbahanenta? "*Labo lit sada pe metehsa, berarti aku aman,*" la perlu buka/ngakui kesalahan sabap e konyol nina ka kalak sideban. Mekatep kita erbual man dirinta alu rusaha teridah bersih, mehuli bage pe sikap tatapen kalak. Tapi situhuna kita meteh ise kita, kai-kai saja enggo silakoken kita. Aminna pe la ieteh kalak sideban tapi mekatep kal pusuhta ngeranai lalap si erbahanca la kita teneng dengen dem i bas kebiaren, kecurigan, dengen tersungkun-sungkun la lah enggo ieteh kalak sideban perbahanenku e. Iayak-ayak kebiarenta kita. Johanes mpersingeti kalak si ngoge suratna i bas kitab 1 Johanes 1:9 maka "*Tapi adi si akuken dosanta man Dibata, isehkenNa me padanNa, ilakokenNa kai si bujur, ialemina dosa-dosanta, janah ibersihkenNa kita i bas kerina perbahanenta si la payo.*" Kita iajuk jujur nandangi dirinta, bebas i bas kebiaren-kebiaren si rehna i bas dirinta sendiri. Istilah si usur ipake e me " icirawisi awihna." Labo lit si mpebiar-biarsa tapi mbiar ia, labo lit si ngayak-ngayaksa tapi iayak-ayak akapna bana. Tuhan ngatakenca maka adi si akuken dosanta, jujur ngakui salah lepakta, e jadi tambar man banta. Erbahanca pusuhta salang sai, Dibata pe ngergaken kejujurenta, ngalemi salah lepakta dengen isehkenna padanNa mereken kiniulin man banta. Situhuna biak kinilajujuren e ngolangi kerna kiniulin-kiniulin geluhta (kesuksesan hidup). Mari dage si ukuri, sedekah enda terjeng ja nge kita jujur nandangi teman geluhta entahpe se isi jabunta bage pe nandangi Dibata. Adi kune lit si la jujur silakoken pindolah pengalemi i bas Dibata ndari, pindo pe gegeh segelah mulai genduari nari pang nuriken alu payo ras tuhu nandangi dirinta secara pribadi ras se-isi jabunta. Kai silakoken kita erbahanca salang sai pusuh dem kedamen.